



SA EXAM PAPERS

YOUR LEADING PAST YEAR EXAM PAPER
PORTAL

Visit SA Exam Papers

www.saexampapers.co.za



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

SISWATI LULWIMI LWASEKHAYA (HL)

LIPHEPHA LEKUCALA (P1)

2021

EMAMAKI: 70

SIKHATSI: Ema-awa 2

Leliphepha linemakhasi la-13.

TICONDZISO KULABAHLOLWAKO

1. Leliphepha lehlukaniwe TIGABA LETINTSATFU:
SIGABA A: Sivisiso (30)
SIGABA B: Sifinyeto (10)
SIGABA C: Takhi netimiso tekusetjentiswa kwelulwimi (30)
2. Fundza TONKHE ticondziso ngekucaphela.
3. Phendvula YONKHE imibuto ngeSiswati.
4. Cala LESO NALESO SIGABA ekhasini LELISHA.
5. Dweba umugca emva kwaleso naleso sigaba.
6. Tinombolo tetimphendvulo atihambisane naleto letisephepheni lemibuto njengobe tinjalo.
7. Shiya umugca emkhatsini wetimphendvulo takho.
8. Caphelisisa sipelingi/lupelomagama nendlela lewakha ngayo imisho.
9. Siphakamiso sekulawulwa kwesikhatsi:
SIGABA A: Lokungenani emaminithi la-50
SIGABA B: Lokungenani emaminithi la-30
SIGABA C: Lokungenani emaminithi la-40
10. Bhala ngebunono nangesandla lesifundzekako.

- | | | |
|---|--|----------|
| 4 | Kulamalanga sekuvame kutsi kucashwe kuphela bomakadzebona kulowo msebenti nome emavolontiya kuleyo nkampani. Lokuyimphicabadzala ngiko nje kutsi umuntfu angaba njani ngumakadzebona angakacashwa. Kulabo labadla imbuya ngelutsi kuba matima kutfola lwati ngemisebenti lekhangiswako. Phela kulabo bantfu kuba yinkanankana kungena ku-inthanethi kutfola kabanti ngaleyo misebenti lekhangisiwe. | 40
45 |
| 5 | Labasha kufanele kutsi bangabuki kuphela imisebenti yetinkampani. Phela inkhulumo yeSiswati itsi, 'sihlalandzawonye sidla emajwabu.' Labanye baye batsi sigwaca lesihle ngulesishoshako. KUNETIKHUNGO lapho kutfolakala imali lekufanele isetjentiswe ngibo kute bativulele ematfuba emisebenti. Uma bangasebentisa leto tikhungo kungaphela lokuswelakala kwemisebenti kulabasha. Lokunye futsi, kutsi batibandzakanye etinhlelweni letikhona emmangweni. | 50 |
| 6 | Lombiko ugcizelela kakhulu ngekubaluleka kwemfundvo. Uvete kutsi kulabo labane tiku temfundvo lephakeme, bangetudlwana kwemaphesenti lasikhombisa labaswela umsebenti. Kulabo labaphotfule matekuletjeni kuphela, bangemaphesenti langemashumi lamatsatfu labangasebenti kantsi kulabo labangakaphotfuli matekuletjeni nome labaphuma emazingeni laphasi emfundvo, bangetulu kwemaphesenti langemashumi lamatsatfu. | 55 |
| 7 | Lolunye lucwaningo luvete kutsi kuswela umsebenti kuyadlondlobala kakhulu emadolobheni lamancane nasetindzaweni tasemakhaya uma kucatsaniswa nasemadolobheni lamakhulu. Loku kubanga kwandza kwemikhukhu ngobe bantfu labayofuna imisebenti emadolobheni lamakhulu basuke bete tindzawo tekuhlala kantsi ngalesinye sikhatsi banato mane tisekudzeni nalapho basebentela khona, lokwenyusa tindleko tetigitjelwa. Letindleko tetigitjelwa tivamise kuba ngulesinye setizatfu letiholela ekutseni labanye bagcine sebayekela umsebenti. | 60
65 |
| 8 | Kuhlala emikhukhwini kuba sisombululo sekusondzela dvutane nematfuba emisebenti. Loku kubeka bomasipala enkingeni lenkhulu ngobe bangeke bakwati kwetfulela labo labahlala emikhukhwini tinsita. Lokunye lokwenteka emikhukhwini kuba ludlame lolucina lufike nasemadolobheni bese kulimata umnotfo. Loludlame lufaka ekhatsi imibhikisho, kucekela phasi tikhungo tahulumende kanye nekuntjontja etitolo tabosomabhizinisi. | 70 |
| 9 | Bobabe bagcina sebakohlwa ngemindeni yabo ngenca yekushiya emakhaya bayohlala emikhukhwini. Bantfwana bagucuka bosidlani batfolakale sebaboshiwe ngenca yalesimo sekwehla kwemnotfo wakuleli. Konkhe loku kukhomba kutsi sisombululo saletinkinga letikhungetse leli ngukutsi hulumende wakuleli achamuke nelikhambi lelitawucedza konkhe loku. Lelo khambi kutawudzingeka kutsi hulumende wavelonkhe, wesifundza nabomasipala basebente ngekubambisana. | 75
80 |

[Itsetfwe: ILANGA, 2020]

- 1.1.1 Nika sizatfu lesabangela kutsi tinkampani letinyenti ticashe basebenti kwesikhana ngemaholide aKhisimusi. (1)
- 1.1.2 Yini lokuvetwe kuletheksthi lokukhomba kutsi lolunye lusha luyatenta kutsi lube sesibalweni salabangasebenti? (1)
- 1.1.3 Bhala buhle bekutsi bosomabhizinisi lababuya emaveni angaphandle bavunyelwe kuvula emabhizinisi kuleli laseNingizimu Afrika. (1)
- 1.1.4 Khetsa YINYE imphendvulo. Isho kutsini lenkhulumo letsi, 'sihlalandzawonye sidla emajwabu'?
- A Kubukelela akuholeli.
B Kulala akuholeli.
C Kuvilapha akuholeli.
D Kukhamisa akuholeli. (1)
- 1.1.5 Tfola YINYE imbangela endzimeni ye-3 kuletheksthi yekutsi bantfu bakhetsa kushiya phasi umsebenti lebesebawutfolile. (1)
- 1.1.6 Labo labahlala emikhukhwini balengela kuyiphi ingoti yetemphilo ngenca yekungatfoli tinsita kubomasipala? (1)
- 1.1.7 Lesento sekuvolontiya sibatfutukisa njani bahlali baseNingizimu Afrika? Nika KUBILI. (2)
- 1.1.8 Ucabanga kutsi ngulabanjani bantfu labadla imbuya ngelutsi? (2)
- 1.1.9 Lokungasebenti kwalabafundze bacedza kungaba namtselela muni kulabanye bantfwana labasafundza sikolo? (2)
- 1.1.10 Kweswelakala kwemisebenti kungaba namiphi imiphumela elusheni? Bhala KUBILI. (2)
- 1.1.11 Bhala KUBILI hulumende welive laseNingizimu Afrika lakwentela takhamiti kute tikhona kumelana nalenhlupheko yekweswelakala kwemisebenti. (2)
- 1.1.12 Uyavumelana yini nekutsi tifundvo letikhona etikolweni tiyabasita bafundzi kutsi bativulele emabhizinisi abo? Sekela imphendvulo yakho. (2)
- 1.1.13 Njengemholi welusha emmangweni wangakini, ngutiphi teluleko LETIMBILI longatinika lusha kute luvikele kuhlala emakhaya lungenti lutfo? (2)

1.2 Fundza lesibonwa bese uphendvula imibuto lelandzelako.

ITHEKSTHI B



[Itsetfwe: Alarmy pictures.com]

- 1.2.1 Yini lekhomba kutsi loku lokwenteka kulesibonwa kubandzakanya nebafundzi? (1)
- 1.2.2 Bhala sizatfu lesenta laba labakulesibonwa baphakamise tandla. (1)
- 1.2.3 Ucabanga kutsi wani lomshuco lobonakala kulesibonwa? Chaza. (2)
- 1.2.4 Litiko Letemfundvo litsikameteka njani ngaloku lokwenteka kulesibonwa? Nika KUBILI. (2)
- 1.2.5 Catsanisa loku lokwenteka kulesibonwa naloko lokwenteka endzimeni ye-8 lesetheksthini A. Bhala KUBILI. (4)

SAMBA SESIGABA A: 30

SIGABA B: SIFINYETO**UMBUTO 2**

Fundza lethekesthi lelandzelako bese uyayifinyeta ngewakho emagama langabi ngetulu kwala-80. Sifinyeto sakho asivete **emaphuzu lasikhombisa laveta lusito lolutfufukile lwabomakhalekhikhini.**

CAPHELA

1. Sifinyeto sakho asibe ngendlela yetindzima (emapharagrafu).
2. Akukadzingeki kutsi ubhale sihloko.
3. Khombisa linani lemagama lowasebentisile ekugcineni kwesifinyeto sakho.

ITHEKSTHI C**BUCIKO BABOMAKHALEKHIKINI**

Kuletikhatsi talomuhla, tebuchwepheshe setitsetse indzawo lenkhulu kuloluntjintjo lolukhona. Eminyakeni leyengcile inhloso yekukhicitwa kwabomakhalekhikhini bekukutsi bantfu bakhone kushayela labakhashane baphindze batfole imibiko basendleleni, kodvwa lamuhla sebenta lokungetulu kwaloko.

Lucwaningo lolwentiwe lukhomba indlela bantfu labetsemba ngayo labomahlakaniphane kuto tonkhe tintfo letentiwako. Luveta nekutsi bancane kakhulu labasebentisa tincingo kushayelana nekutfole imilayeto lemifisha lebhaliwe kuphela. Linyenti lebantfu litsi tincingo tisidzingo lesikhulu lesisita kutfole tindzaba letisematseni nesimo selitulu. Labanyenti tincingo tabo batitsatsa njengencenye yemphilo yabo.

Labomakhalekhikhini sebgucuke baba sidzingo lekufanele umuntfu abe naso kute akhone kwenta tintfo letinyenti letentiwa onkhe emalanga. Sebatsetse indzawo yetintfo letibalulekile. Bantfu labanyenti abasenandzaba nekubhala imininingwane leminyenti emaphosteni nakukhangiswa imisebenti, esikhundleni saloko, bavele bafake tinombolo tabo tabomakhalekhikhini kulamaphosta kuphela bese lodzinga lolusito ashaye le nombolo. Titolo letitsengisa emawashi setilahlekelwe yintalo ngalokwecile. Umuntfu sewuyakhona nyalo kusebentisa makhalekhikhini njengeliwashi. Ngulapho ubuka khona sikhatsi sekuvuka ekuseni nobe sekuya emsebentini kanye naletinye tinhlelo letidzinga sikhatsi.

Imphilo ibuya khashane lapho bekusetjentiswa tiffwebulitiffombe lebetikhipha tiffombe letimbili. Nyalo sekukhona imishini yekutfwebula lekhipha tiffombe letisiphohlango kanyekanye. Loku kukhombisa kutsi loluhlobo lwetiffwebuli lunebuchwepheshe lobusezingeni lelisetulu. Lokubuhlungu kutsi lobuchwepheshe bente tiffwebulitiffombe letetayelekile tangasatsengwa etimakethe. Nabomakhalekhikhini sebayasetjentiswa kakhulu ekutfwebuleni tiffombe letinyenti ngesikhatsi lesincane nje. Bosolwati bavete kutsi emazinga ekutsenga tiffwebulitiffombe letetayelekile ehlile.

Nawunamakhalekhikhini uyakhona kudlala umsakato lolalelwa ngumnikati ayedvwa labanye bangeva lutfo. Lobuchwepheshe bukhule ngendlela yekutsi bantfu babona kungenasidzingo sekutsenga imisakato emakhaya. Kulamalanga bantfu labanyenti abasenandzaba nekuya emabhange. Loku kudalwa ngulongcondvongcondvo lobukeka amncane kantsi unebuhlakani lobendlulele. Nyalo umuntfu sewuyakhona kungena etinhlelweni tasebhange asekhaya atfumele imali nobe akhokhele tindleko letitsite ngamakhalekhikhini.

Bafundzi labanyenti baba netinkinga tekutsenga emabhuku etikolweni temazinga laphasi nasetikhungweni temfundvo lephakeme kantsi labanye bayantjontjelwa. Kutfutfuka kwetebuchwepheshe kubetfule umtfwalo. Labongcondvongcondvo bayabasita kakhulu bafundzi ngaletincwadzi letifakwa ku-inthanethi letenta kube malula kutsi basebentise bomakhalekhikhini babo nabafundza.

[Itsetfwe: *Sky ways*, 2019]

SAMBA SESIGABA B: 10

SIGABA C: TAKHI NETIMISO TEKUSETJENTISWA KWELULWIMI**UMBUTO 3**

Fundza lesikhangisi bese uphendvula imibuto lelandzelako.

ITHEKSTHI D**SIKUBEKA CATSATSA LAPHO UYA KHONA!****LIPHUPHO LETFU:**

🇿🇦 KUFIKA KWEBAGIBELI BAPHEPHILE ETINDZAWENI TABO.

- Sibulalamagciwane nesilinganisikushisa kukuhlangabeta emnyango.
- Sifonyo simahhala hha.
- Kuchelelana kwebagibeli ngemahlalakhona.
- Titulo ngumbhedze, ulala bekufa.
- **Ngeliminithi nje, sewusedladleni lakho.**

Emanani etfu aphasi kabi, likhilomitha ngu-R10,00

Tsintsana natsi: 0867788998
bambumtsetfo@gmail.com
 Akusetjentwa ngemasontfo


[Itsetfwe: <http://www.kingfeatures.com>]

- 3.1 Yini lengahle inike tetsamelilwati inkinga ngaletitfutsi takaKhibika Natsi? (1)
- 3.2 Khokha inkhulumo lekulesikhangisi lengahunga tetsamelilwati takaKhibika Natsi. (1)

- 3.3 Khetsa umusho lonembako kulelandzelako losesikhatsini lesitako losebentise libitombici, 'sibulalamagciwane'.
- A Kusasa make uyawusebentisa sibulalamagciwane kugeza tandla takhe.
B Kusasa make utosebentisa sibulalamagciwane kugeza tandla takhe.
C Kusasa make uyosebentisa sibulalamagciwane kugeza tandla takhe.
D Kusasa make utawusebentisa sibulalamagciwane kugeza tandla takhe. (1)
- 3.4 Tfola sizatfu salokhangisako sekusebentisa ifonti lencane kulelinani lemali lekhokwa bagibeli. (1)
- 3.5 Labatsandza kuvakasha batsatse luhambo loludze, basijabulela ngayiphi indlela lesitfutsi? Nika KUBILI. (2)
- 3.6 Sebentisa sentakutsi lesikulesicubulo salesikhangisi emshweni lotakhele wona kuveta kutsi uyayati inchazelo yaso? (2)
- 3.7 Hlobo luni lwenkhulumo lolubhalwe lwagcanyiswa kulesikhangisi lesingenhla? Sekela imphendvulo yakho. (2)
- [10]**

UMBUTO 4

Fundza lekhathuni bese uphendvula imibuto lelandzelako.

ITHESKTHI E

[Itsetfwe: <http://www.americanprogress.org/cartoon/>]

- 4.1 Likhombani lelibhamuta leliyinkhanyeti lelisetjentiswe kulekhathuni lengenhla? (1)
- 4.2 Bativuleleni tandla laba labakulekhathuni lengenhla? (1)
- 4.3 Phindza ubhale lomusho locindzetelwe ngekucedzela ngesiga senkhulumo lesisebenta nangabe umuntfu alinyatwe ngulokutsite. (1)
- 4.4 Ichazani lenkhulumonkholelo ledvwtjelwe kulekhathuni lengenhla? Khetsa imphendvulo lenembako kuletilandzelako: (1)
- A Kuba kulasebumnandzini.
 B Kuba kulabangaphasi.
 C Kuba kalabasenjabulweni.
 D Kuba kulabasenhlanhleni.
- 4.5 Tsatsa sabito selucobo lesikulekhathuni usisebentise emshweni lotakhele wona. (1)

- 4.6 Yini lekhombisa kutsi laba labakulekhathuni baphume embili? Nika KUNYE. (1)
- 4.7 Sebentisa lunye luvelomagama lolukhomba kutfukutsela lolukulekhathuni emshweni lotakhele wona. (2)
- 4.8 Luhlobo luni lwenkhulumo lolugcanyiswa ngulekhathuni lengenhla? Sekela imphendvulo yakho. (2)
- [10]**

UMBUTO 5

Fundza lethekesthi bese uphendvula imibuto lelandzelako.

ITHEKSTHI F**KUKHUTSATWA LULWIMI LWASEKHAYA**

Lusha lukhutsatwa kutsi lutsandze futsi lubeke embili Lulwimi Lwasekhaya. Litiko letemfundvo livamise kuhlela imicimbi yekukhutsata kufundza, kubhala nekukhuluma Lulwimi Lwasekhaya. Yona lemicimbi iba khona kuto tonkhe tifundza talapha eNingizimu Afrika. Kuba nemichudzelwano lefaka ekhatsi inkhulumiswano, inkhulumo lelungiselelwe, tinkondlo tekuticambela kanye nemidlalo. 5

Bantfu labasha baseNingizimu Afrika bangafundza kulamachawe labhala imibhalo lefundvako etikolweni. Lemibungato yetilwimi temdzabu lehlelwa nguHulumende yentelwe kutsi nalo lusha lwati emagalelo etikhatsi letimatima telubandlululo letenta kutsi letilwimi tibukelwe phasi. Lusha lwalomuhla luyakutsandza kukhuluma Lulwimi Lwekwengeta. Luyatikhobosa nangabe luhlangana nebalingani balo ikakhulu emanyuvesi. 10

Lulwimi Lwasekhaya lungasintjintja simo sasekhaya nangabe lusha lungatibandzakanya ekubhaleni imibhalo yeLulwimi Lwemdzabu. 'Kubalulekile kutsi sihloniphe lulwimi lwemdzabu sibuye sitigcabhe ngalo,' kusho umphatsiswa weLitiko. Lusha luyakhutsatwa kutsi lufundze kusebentisa emakhompuyutha lubhale tincwadzi ngeLulwimi Lwasekhaya. Kubalulekile kutsi lwati imvelaphi yalo, lukhulume neTilwimi Temdzabu. Musani kutikhobosa ngemasiko enu bantfu labasha! Lulwimi Lwasekhaya lumnandzi kwedlula letinye tilwimi. 15

[Itsetfwe: Mpumalanga News, 2020]

- 5.1 Phindza ubhale lomusho lolandzelako bese ulungisa liphutsa.
Litiko letemfundvo livamise kuhlela imicimbi yekukhutsata kufundza. (1)
- 5.2 Khokha umusho losendleleni lephocako lokhomba kuphika kulethekesthi lengenhla. (1)
- 5.3 Phindza ubhale lomusho lodvwetjelwe endzimeni yesibili uwente uphike.
Cala lomusho ngekutsi: Cha ... (1)
- 5.4 Gucula lenkhulumo lelandzelako ibe yinkhulumombiko.
'Kubalulekile kutsi sihloniphe lulwimi lwemdzabu ...' kusho umphatsiswa weLitiko. (1)
- 5.5 Khokha ligama lethekniki lelisetheksthini ubhale ngalo umusho lotakhele wona. (2)
- 5.6 Sebentisa sabitonanibhanca lesisendzimeni yekucala, emgceci wesine njengesikhombabito emshweni. (2)
- 5.7 Yini leyenta umusho losekugcineni kwaethekesthi lengenhla ungemukeleki? Sekela imphendvulo yakho. (2)
- [10]**

SAMBA SESIGABA C: 30
SAMBA SAKO KONKHE: 70